

Mi'n Por Yuda ku mi ta Asina!

“Mi'n por yuda ku mi ta homoseksual. Ta asina mi a nase. Mayoria hende ta nase skirbi ku man drechi; algun ta skirbi ku man robes. Igualmente mayoria tin interes pa e sekso opuesto, ma algun ta nase ku interes pa hende di nan mes sekso. E ta manera e di tres género. Mi'n por yuda ku mi ta asina.”

Hopi homoseksual i lèsbian ta propagandá e kreensia ei. **Nan ke konvensébo ku nan ta nase ku un predisposishon homoseksual, ku nan preferensia seksual tin un origen biológiko.** Ma e evidensia no ta proba esei.

Un teoria popular ta ku “genétika” ta determiná komportashon homoseksual. Iregularidat di e hormonanan di sèks a wòrdu kulpá di ta e origen físiko di homoseksualidat. Ma hòmbènan homoseksual ku ta haña tratamentu ku hormonanan maskulino, no ta kambia nan preferensia sèksual.

Na aña 1991 Dr. Simon LeVay a haña ku e “hypothalamus” den selebre (loke ta kontrolá aktividat seksual) ta mas chikitu den e homoseksual ku esun di e heteroseksual. Homoseksualnan a proklamá ku esaki ta evidensia konklusivo ku homoseksualidat tin origen biológiko. Ma Dr. LeVay su estudio a lamta mas interogante, espesialmente ora el a atmití ku e ta homoseksual i no tabata imparcial den su investigashon.

Na yüli 1993, Dean Hamer a skirbi den revista *Science* ku e parti q28 di e X “chromosoom” ta kousa homoseksualidat. Ma e aña aki, e mésun revista a publiká estudionan kontradisiendo esun di Hamer.

Kontrario di loke homoseksualnan ta ke pa nos tende, **e evidensia ta mustra ku homoseksualidat ta komportashon siñá sea na un forma konsiente òf inkonsiente.** Robert Kronmeyer, den su buki *Overcoming Homosexuality*, a skirbi: “Ku poko eksepsion, homoseksualidat ta ni heredá ni ta resultado di un disturbio glandurár ni un bruhashon di ‘genetika’ òf ‘chromosoom.’ Homoseksualnan ta formá, nan no ta nase ‘asina.’ For di mi 25 aña di eksperensia komo sikólogo, mi ta kere firmemente ku homoseksualidat ta un reashon *siñá* pa ku eksperensianan penoso tempu e tabata chikitu i ku e por *siña pa no hasi é.* Pa homoseksualnan ku no ta kontentu ku nan bida i ke terapia efektivo, ta pusibel pa nan kura.”

John DeCecco (profesor di sikologia na Universidat di San Francisco i redaktor di 25 volúmen di *Journal of Homosexuality*) a skirbi: “E idea ku hende ta nase pa un tipo di komportashon seksual ta kompletamente lokura... Homoseksualidat ta ‘un komportashon, no un kondishon’, i algu ku hende por kambia i ta kambia...” Un sikólogo famá pa su estudionan di seksualidat, Dr. John Money di Johns Hopkins University, tambe a yega na e konklushon ku “ni homoseksualnan ni biseksualnan ta diferente for di heteroseksualnan den grado òf tipo di ‘chromosoom’.” William Masters (ko-direktor di e instituto famá, Masters and Johnson), Virginia Brown, i Robert Kolodny ta skirbi, “Awendia en general a deshasí di e teoria genético pa homoseksualidat.”

Esei ta loke Beibel ta bisa pa miles di aña kaba: “*No drumi ku hòmbèr manera ta drumi ku muhé; ta un abominashon.*” “*Si un hòmbèr drumi ku un hòmbèr, manera esnan ku ta drumi ku muhé, nan tur dos a kometé un akto abominabel; nan mester wòrdu matá sigur*” (Levítico 18:22; 20:13).

Si hende ta nase homoseksual, Dios ta inhustu pa kondená esei; nan no por yuda. Ma echu ta **ku e homoseksual ta skohe pa kometé aktonan homoseksual.** Klaramente esei ta piká... desobedensia pa ku Dios Su mandamentu. Ma esei tambe tin un banda positivo! Esei ke men ku e homoseksual i lèsbi por skohe pa banondá e piká aki ku tin nan den su gara pa medio di e poder di Hesu-Kristo. Esei ta presis loke Dios ta eksigí!